

Timmissanik illersuineq piniarnerlu pillugit Namminersorlutik Oqartussat nalunaarutaat nr. 17, 28. oktober 2019-imeersoq

Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersumi § 2, imm. 4, § 8, §§ 11-13, § 15, imm. 4, kiisalu § 17, imm. 2, kingullermik Piniarneq aallaaniarnerlu pillugit Inatsisartut inatsisaata allangortinnera pillugu Inatsisartut inatsisaat nr. 1, 16. maj 2008-imeersukkut allangortinneqartoq aamma Pinngortitamik illersuineq pillugu Inatsisartut inatsisaat nr. 29, 18. december 2003-meersumi § 5, § 6, imm. 2, § 35, § 36, imm. 2, kiisalu § 60, imm. 2 naapertorlugit aamma piniarneq pillugu siunnersuisoqatigiit tusarniaaffigereerlugit aalajangersarneqarput:

Atuuffii

§ 1. Nalunaarut Kalaallit Nunaata nunataani aalisarnikkullu oqartussaaffigisaani atuuppoq.

Piniarnermut mannessarnermullu tunngaviusumik piunasaqaatit

§ 2. Piniarnermut atuuttumik allagartaqartut imaluunniit akiliuteqarluni piniartitsinermik aaqquissuussisartumit akuerisaasumit angallanneqartut kisimik timmissanik piniaqqusaapput timmissallu manniinik katerseqqusaallutik.

§ 3. Timmissat piffissamik piniarfiusussamik aalajangersimasumik aalajangersaaffigineqartut kisimik piniaqqusaapput taamaallaallu timmissat pineqartunut piffissap piniarfigeqqusaasutut aalajangersarneqartup iluani piniaqqusaallutik.

Imm. 2. Mannissarneq taamaallaat timmissanit piffissamik mannessarfiussamik aalajangersaaffigineqartunit pisassaaq, tak. § 10, imm. 1, aamma § 11, imm. 2-4 aamma imm. 6, taamaallaallu piffissap mannessarfigeqqusaasutut aalajangersarneqartup iluani pisassalluni.

Aqutsiveqarfiit

§ 4. Aqutsiveqarfiit tassaapput, ilanngussat 2-6 takukkit:

1) Immikkoortoq 1: Petermann Fjord-miit Hammer Ø-mut : N 81o25'20.4" V64o25'23.3" uunga

N74o49'11.5" V59o40'43.0".

2) Immikkoortoq 2: Hammer Ø-miit Maligaanut: N74o49'11.5" V59o40'43.0" uunga N70o17'4.66" V56o57'26.7".

3) Immikkoortoq 3: Maligaaniit Kanajoorartuunut: N70o17'4.66" V56o57'26.7" uunga N60o22'46.5" V44o59'49.8".

4) Immikkoortoq 4: Kanajoorartuuniit Kap Biot-mut: N60o22'46.5" V44o59'49.8" uunga N71o52'49.9 V22o39'19.6".

Nassuiaatit

§ 5. Nalunaarummi matumani ulloq piniarfik paasineqassaaq, ulloq unnuarlu piniarfigineqartoq.

Imm. 2. Nalunaarummi matumani ullormut pisassiissutit paasineqassaaq, pisassiissutit ullormi tassani taamaallaat pisinneqarsinnaasut. Pisassiissutit inummut namminermit atuupput, allamut tunniuteqqusaanngillat aqagumulluunniit siparneqaqqusaanatik.

Imm. 3. Nalunaarummi matumani nammineq atugassat paasineqassaaq, inoqutigiit iluanni namminermit atugassat.

Imm. 4. Nalunaarummi matumani ileqqutoqqat malillugit piaqqanik piniarneq paasineqassaaq, aallaat atornagu piniarneq piaqqat imaani timmissat ineqarfimmit qaninnerpaamik meterinik 1000-nik ungasissumiippata ungasinnerusumiippataluunniit.

Imm. 5. Nalunaarummi matumani timmissat ineqarfii paasineqassaaq, sumiiffik timmissat imarmiut aappariit ikinnerpaamik qulit piaqqiorfigisaat.

Imm. 6. Nalunaarummi matumani flu-flu qarsoq paasineqassaaq, qarsoq timmissanut timmisunut piseriutissatut naatsorsuussaq. Qarsoq taamaattoq tassaavoq qanittunut takujuminaatsunullu immikkut ilusilersugaq.

Imm. 7. Nalunaarummi matumani qarsup nuua blunt-iusoq paasineqassaaq, qarsup nuua sissuineq ajortoq ammaloqisaamik patittaalik aalajangersimasumik diameterilik.

Eqqissisimatitsineq

§ 6. Timmissat tamarmik eqqissisimatitaapput, taamaattoq tak. imm. 2.

Imm. 2. Timmissat ilanngussaq 1-mi nalunaarneqarsimasut, imm. 1-imi aalajangersakkamit mininneqarnikuupput.

Imm. 3. Nunap immikkoortui tulluuttut qanorluunniit piniarfigineqarnissamut eqqissisimatitaapput aamma 500 meterisut qanitsigisumi qaninnerusumilu nunamut ikaarneq angallannerlu sunaluunniit inerteqqutaavoq, tak. ilanngussaq 7-imi allattorsimaffik aamma ilanngussaq 8-mi nunap assinga.

1) Kingittoq Upernavik Kujalliup eqqaaniittoq,

2) Innaq Ilulissat eqqaaniittoq,

3) Taateraarunnerit Paamiut eqqaaniittut,

- 4) Kitsissut Avallit Qaqortup eqqaaniittut,
- 5) Kangikajik Ittoqortoormiit eqqaaniittoq aamma
- 6) Appalik Ittoqortoormiit eqqaaniittoq piniagassanik tamanik piniarfigeqqusaanngillat.

Piniakkat pisassiissuteqarfiusut

§ 7. Miteq siorartooq (Somateria mollissima) aamma miteq siorakitsoq (Somateria spectabilis) aqutsiveqarfimmi pineqartumi piffissami piniarfiusumi, imm. 2 takuuk, piniqqusaapput, takuuk ilanngussat 2-6, taamaattoq takuuk § 6, imm. 3.

Imm. 2. Immikkoortuni (matuma kingorna Zone) tulluuttuni piffissat piniarfiusussat makku atuupput:

- 1) Zone 1: 15.10. – 30.04. aamma 01.05. - 31.05.
- 2) Zone 2: 15.10. – 30.04.
- 3) Zone 3: 15.10. – 31.03.
- 4) Zone 4: 15.10. – 30.04.

Imm. 3. Inuussutissarsiutigalugu piniarnermut allagartallit Zone 1-mi, 2-mi aamma 4-mi piffissami piniarfiusumi 15.10.-miit 30.04.-mut, tak. § 7, imm. 2, nr. 1, 2 aamma 4, ullormut piniarfiusumut miternik siorartuunik aamma miternik siorakitsunik ataatsimut katillugit amerlanerpaamik 40-nik pisaqqaqusaapput, tak § 5, imm. 1. Inuussutissarsiutigalugu piniarnermut allagartallit Zone 3-mi piffissami piniarfiusumi 15.10.-miit 30.03.-mut, tak. § 7, imm. 2, nr. 3 ullormut piniarfiusumut miternik siorartuunik aamma miternik siorakitsunik ataatsimut katillugit amerlanerpaamik 40-nik pisaqqaqusaapput, tak § 5, imm. 1.

Imm. 4. Sunngiffimmi aallaaniarnermut allagartallit Zone 1-mi, 2-mi aamma 3-mi piffissami piniarfiusumi 15.10.-miit 30.04.-mut ullormut aallaaniarfiusumut miternik siorartuunik aamma miternik siorakitsunik ataatsimut katillugit amerlanerpaamik qulinik pisaqqaqusaapput, tak. § 5, imm. 1. Sunngiffimmi aallaaniarnermut allagartallit Zone 3-mi piffissami piniarfiusumi 15.10.-miit 30.03.-mut ullormut aallaaniarfiusumut miternik siorartuunik aamma miternik siorakitsunik ataatsimut katillugit amerlanerpaamik qulinik pisaqqaqusaapput, tak. § 5, imm. 1.

Imm. 5. Inuussutissarsiutigalugu piniarnermut allagartallit imaluunniit sunngiffimmi aallaaniarnermut allagartallit piffissami piniarfiusumi 01.05.-imiit 31.05.-mut, tak. § 7, imm. 2 nr. 1, ullormut piniarfiusumut miternik siorartuunik aamma miternik siorakitsunik ataatsimut katillugit amerlanerpaamik 20-nik pisaqqaqusaapput, tak. § 5 imm. 1, taamaallaallu nammineq atugassatut.

Imm. 6. Ullormut pisassiissutit ullunut piniarfiusunut allanut nuunneqqaqusaanngillat. Ullormut pisassiissutit inummut namminermut tunngasuupput allanullu tunniuteqqusaanatik.

§ 8. Appat sigguttuut (Uria lomvia) aamma appat (Uria aalge) aqutsiveqarfimmi pineqartumi, tak. ilanngussat 2-6, taamaattorli tak. § 6, imm. 3, piffissami piniarfiusumi piniqqusaapput, tak. imm. 2.

Imm. 2. Zone-ni tulluuttuni piffissat piniarfiusussat makku atuupput:

- 1) Zone 1: 15.10. - 29.02.

- 2) Zone 2: 15.09. - 15.11.
- 3) Zone 3: 01.11. - 15.12.
- 4) Zone 4: 01.11. - 31.12.

Imm. 3. Inuussutissarsiutigalugu piniarnermut allagartallit piffissani imm. 2-mi taaneqartuni ullormut aallaaniarfiusumut appanik aamma appanik sigguttuunik ataatsimut katillugit amerlanerpaamik 20-nik pisaqaqqusaapput, tak. § 5, imm. 1.

Imm. 4. Sunngiffimmi aallaaniarnermut allagartallit piffissani imm. 2-mi taaneqartuni ullormut aallaaniarfiusumut appanik aamma appanik sigguttuunik ataatsimut katillugit amerlanerpaamik pingasunik pisaqaqqusaapput, tak. § 5, imm. 1.

Imm. 5. Zone 1-imi, § 8, imm. 2, nr. 1-imi, piffissaq piniarfiusup taaneqareersup saniatigut, appat sigguttuut aamma appat piffissami 01.03.-miit 15.06-imut aamma piniaqqusaapput. Piniarnermut allagartallit piffissami taaneqartumi ullormut aallaaniarfiusumut appanik sigguttuunik aamma appanik ataatsimut katillugit amerlanerpaamik 5-nik pisaqaqqusaapput taamaallaallu nammineq atugassanik, tamanna inuussutissarsiutigalugu piniartunullu aamma sunngiffimmi aallaarniartartunut atuuppoq.

Imm 6. Zone 2-mi § 8, imm. 2, nr. 2-mi piffissap piniarfiusup taaneqareersup saniatigut appat sigguttuut aamma appat piffissami 15.04.-miit 15.05.-mut aamma piniaqqusaapput. Piniarnermut allagartallit piffissami taaneqartumi ullormut aallaaniarfiusumut appanik sigguttuunik aamma appanik ataatsimut katillugit amerlanerpaamik pingasunik pisaqaqqusaapput taamaallaallu nammineq atugassanik, tamanna inuussutissarsiutigalugu piniartunullu aamma sunngiffimmi aallaarniartartunut atuuppoq.

§ 9. Taateraaf (Rissa tridactyla) piffissani piniarfiusussani aamma nunap immikkoortuini taaneqartuni piniaqqusaapput, tak. ilanngussat 2-6:

- 1) Zone 1: 01.09. - 31.10. aamma 01.03. - 31.03.
- 2) Zone 2: 01.09. - 31.10. aamma 01.03. - 31.03.
- 3) Zone 3: 01.09. - 31.03.
- 4) Zone 4: 01.09. - 31.03.

Imm. 2. Piniarnermut allagartallit piffissani imm. 1-mi taaneqartuni ullormut piniarfiusumut taateraaf amerlanerpaamik qulinik nammineq atugassanik pisaqaqqusaapput, tak. § 5, imm. 1, tamanna inuussutissarsiutigalugu piniartunullu aamma sunngiffimmi aallaarniartartunut atuuppoq.

Timmissanut pisassiiffigineqanngitsunut piffissat piniarfiusussat

§ 10. Timmissat tulluittut piffissani piniarfiusussatut taaneqartut iluini piniaqqusaapput:

- 1) Appaliarsuk (Alle alle): 01.09. - 30.04.
- 2) Qeerlutooq (Anas platyrhynchos): 01.09. - 28/29.02.
- 3) Nerleq siggukitsoq (Anser brachyrhynchus): 01.09. - 30.04.
- 4) Kangoq (Anser caerulescens): 01.09. - 15.10.
- 5) Nerlernaarsuk (Branta Canadensis): 01.08. - 15.10.

- 6) Nerlernarnaq (*Branta leucopsis*): 01.09. - 30.04.
- 7) Serfaq (*Cephus grylle*): 01.09. - 31.03.
- 8) Alleq (*Clangula hyemalis*): 01.09. – 28./29.02.
- 9) Tulugaq (*Corvus corax*): 01.09. – 28/29.02. , taamaattoq tak. imm. 6.
- 10) Qaqulluk (*Fulmarus glacialis*): 01.09. - 31.10.
- 11) Tuullik (*Gavia immer*): 01.09. - 15.10.
- 12) Aqisseq (*Lagopus mutus*): 01.09. - 30.04.
- 13) Naajaannaq (*Larus glaucoides*): 01.09. – 30.04.
- 14) Naajarujuusuaq (*Larus hyperboreus*): 01.09. – 30.04. , taamaattoq imm. 6 takuuk.
- 15) Naajarluk (*Larus marinus*): 01.09. – 30.04., taamaattoq imm. 6 takuuk.
- 16) Oqaatsoq (*Phalacrocorax carbo*): 01.09. - 31.03.

Imm. 2. Zone 2-mi, tak. ilanngussaq 4, ileqqutoqqat malillugit qaqulluit piaraat 15.08.-miit 31.10.-mut piniaqqusaapput.

Imm. 3. Zone 1-mi aamma 4-mi, tak. ilanngussaq 3 aamma 6, appaliarsuit piaraat ukioq kaajallallugu piniaqqusaapput katersorneqaqqusaallutillu.

Imm. 4. Zone 4-mi, tak. ilanngussaq 6, nerleq siggukitsoq aamma nerlernarnaq piffissami 01.09.-miit 31.05.-imut piniaqqusaapput.

Imm. 5. Zone 2-mi, tak. ilanngussaq 4, aqissit piffissami 01.09.-miit 31.05.-mut piniaqqusaapput.

Imm. 6. Nalunaarutip matuma atuutilerneraniit ukiuni tallimani misileraataasumik tulugaq (*Corvus corax*), naajarujuusuaq (*Larus hyperboreus*) aamma naajarluk (*Larus marinus*) piffissami 01.01.-miit 31.12.-mut killeqanngitsumik piniaqqusaapput.

Mannissarneq

§ 11. Mannissarneq inerteqqutaavoq, taamaattorli takuuk imm. 2, 3 aamma 6.

Imm. 2. Piniarnermut allagartallit nammineq atugassanik qaqulluit, tulukkat, naajarujuusuit aamma naajarluit manniinik piffissami 01.01.-miit 15.06.-mut mannissaqqusaapput.

Imm. 3. Mittarfiit, eqqaaviit eqqaavissuillu eqqaanni tulukkat naajallu akornutaanerannut atatillugu Mittarfeqarfiit kommuniluunniit Aalisarnermut Piniarnermut Nunalerinermullu Naalakkersuisoq akuersiseqqaarnagu, tulukkat naajaallu manniinik katersisitseqqusaapput imaluunniit manniit uuliamik tukersinnaajunnaartussanngorlugit serpartaatitseqqusaapput.

Imm. 4. Naajat manniit imm. 3 naapertorlugu katersorneqartut, ullormi katersorneqarfianni pisortat suliffeqarfiutaannut tunniunneqarsinnaapput.

Imm. 5. Mannissarniarnermi allunaasat, majuartarfiit, allunaasat innartornermi atortartut innartornermilu atortut allat atornissaat inerteqqutaavoq.

Imm. 6. Zone 1-mi aamma 4-mi, takuuk ilanngussaq 3 aamma 6, appaliarsuup manniinik ukioq kaajallallugu mannissarniartoqaqqusaavoq.

Timmiaqarfii

§ 12. Timmissat ineqarfiisa eqqaanni aallaammik eqqarneq allatulluunniit ajoqusersuineq angallammillu knob-inik 3-nik sukkanerusumik angalaneq sunaluunniit piffissami 15.04.-miit – 15.09.-mut inerteqqutaavoq, timmissat ineqarfii ima ungasitsigalugit qaninnerullugilluunniit:

1) 1000 meter, timmissat ineqarfiat appanit, appanit sigguttuunit, apparlunniit, appaliarsunniit, taateraaniit, qaqullunniit oqaatsunilluunniit najorneqarpat, aamma

2) 200 meter, timmissat ineqarfiat qeqertaappat qeqertaasaappalluunniit miternit siorartuunit, miternit siorakitsunit, serfanit, qilanganit, imeqqaallaniit naajanilluunniit taateraajunngitsunit najorneqarpat.

Imm. 2. Naak imm. 1-imi aalajangersagaqaraluartoq angallammik knob-inik 3-nik sukkaannerusumik angalasoqaqqusaavoq, tamanna pisariaqanngitsumik akornusersuineramik pilersitsinngippat.

Imm. 3. Timmisartumik suluusalimmik qulimiguulimmilluunniit timmissat ineqarfiinut siumut sanimulluunniit 3000 meterinut qaninnerullugit timmisartorneq inerteqqutaavoq, taamaattorli tak. Kitsissunnguit eqqissisimatitaanerak pillugu nalunaarut.

Imm. 4. Timmissat ineqarfii drone-t atorlugit timmissat ineqarfiinut siumut sanimulluunniit 100 meterinut qaninnerutillugit timmiffiginissaat inerteqqutaavoq.

Imm. 5. Naak imm. 1, nr. 2-mi aalajangersagaqaraluartoq, mannessarniartoqaqqusaavoq, tak. § 11.

Imm. 6. Naak imm. 1, nr. 1-mi aalajangersagaqaraluartoq, appaliarsuit manniinik mannessartoqaqqusaavoq piaraannillu katersisoqaqqusaalluni, tak. § 11, imm. 6.

Imm. 7. Naak imm. 1-mi aalajangersagaqaraluartoq, aqcutit nalunaaqutsikkat aqcutigalugit angallammik angalasoqaqqusaavoq.

Sumiiffiit timmissanik illersuiffiusut

§ 13. Sumiiffinni ilanngussaq 7-mi allassimasuni aamma ilanngussaq 8-mi nunap assingami takutinneqartuni kiisalu taakkuninngaanniit 500 meterimik ungasitsigisumi qaninnerusumiluunniit, nunamut ikaarneq angallannerlu sunaluunniit piffissami 01.05.-miit 31.08.-mut inerteqqutaavoq.

Imm. 2. Naak imm. 1-imi aalajangersagaqaraluartoq, aqcutit nalunaaqutsikkat aqcutigalugit angallammik angalasoqaqqusaavoq.

Timmissat inaanik, manniinik piaqqanillu illersuineq

§ 14. Timmissat ineqarfiinut aamma nunap immikkoortuani timmissat illersugaaffiinut immikkut ittumik eqqissisimatitsinerak aalajangersakkat §§-ni 12-13-miittut saniatigut, Kalaallit Nunaat tamakkerlugu timmissat inaat nutaat inigineqartulluunniit kiisalu timmissat nujuartat manni piaraallu allatulluunniit ajoqusersuineq akornusersorneqarnissaalluunniit inerteqqutaavoq.

Imm. 2. Appaliarsuit qaqulluillu piaraannik katersineq, tak. § 11, imm. 2 aamma mannessarneq tak. § 10, imm. 6 aamma § 11, imm. 6, imm. 1-mi mininneqarpat.

Timmiarniarneq

§ 15. Angallammit ingerlasumiit timmissanik timmisunik malersuineq piniarnerlu inerteqqutaavoq.

Imm. 2. Qeerlutuunik nerlernillu isasunik ungoorineq piniarnerlu inerteqqutaavoq.

Imm. 3. Timmisartuniit, qamutinit motoorimik ingerlatilinniit qamuterallanniillu timmiarniarneq inerteqqutaavoq.

§ 16. Timmissanik aallaaniarnermi piniarnermilu aallaasit, timmiarsiutit singissaartullit timmiarsiutillu marlullit, saaqutit nuffisit imaluunniit timmissanut qarsut, qalut aamma naperniutit ipullit kiisalu pisisseq qarsorlu atornissaat akuerisaavoq.

Imm. 2. Timmiarsiut sakkortunerpaamik kaliber 12-iussaaq, qoorortuuararlu sakkukinnerpaamik kaliber 0.17-iussalluni. Timmiarsiutit singissaartullit timmiarsiutillu marlullit taamaallaat atoqusaapput, amerlanerpaamik marlunnik imassanik imaqarsinnaagunik.

Imm. 3. Qalut aamma naperniutit ipullit Zone 1-imi aamma Zone 4-mi kiisalu § 10, imm. 2, naapertorlugu ileqqutoqqat malillugit qaqulluit piaraannik piniarnermi atoqusaapput.

Imm. 4. Pisisseq qarsorlu inunnit Kalaallit Nunaanni Danmarkimiluunniit pisissimik atuinermut misilitsinnermik imaluunniit nunani allani misilitsinnermik assingusumik angusaqarsimasunit atoqusaapput. Pisissimik piniarnermut allagartaq pisissimik piniarnermi nassarneqartassaaq.

Imm. 5. Pisisseq qarsorlu atorlugit piniarnermi piumasaqaatit makku naammassineqarsimassapput:

1) Pisisseq Compound-iussaaq aalajangersimasumillu inissinneqarsinnaasumik umerfeqassalluni.

2) Nerlernik siggukitsunik, kangunik, nerlernaarsunnik aamma nerlernanik piniarnermi eqquinermi nukissaq minnerpaamik 40 Joule-iussaaq, qarsorlu 40 gram-nik oqinnerpaaffeqassaaq, taamaattoq qarsumik mekanisk-iusumik naqqulimmik atuisoqartillugu eqquinermi nukissaq minnerpaammik 70 Joulee-iussaaq. Qarsup naqqua akertaqaqqusaanngilaq akuutissanillu qaartartortalinnik toqunartunilluunniit imaqaqqusaanani. Qarsoq saviminermik sanaajussaaq, savissaalu ikinnerpaamik pingasuussapput minnerpaamik 25 mm-nik ipittunik aatsaangaaffillit. Qarsut blunt-iusut atoqusaanngillat.

3) Timmissat § 10-mi taaneqartut saniasigut timmissanik allanik piniarnermi eqquinermi nukissaq minnerpaamik 40 Joule-iussaaq, qarssullu oqimaassusia minnerpaamik 20 gram-iussaaq, taamaattoq blunt-mik atuinermi eqquinermi nukissaq minnerpaamik 70 Joule-iussaaq. Qarsup naqqua akertaqaqqusaanngilaq aamma qaartartunik toqunartunilluunniit imaqaqqusaanngilaq. Qarsup naqqua saviminermik sanaajussaaq marlunnillu ipittunik 20 mm-iusunik naqqoqassaaq imaluunniit blunt-mik minnerpaamik 16 mm-mik diameter-limmik naqqoqassaaq.

4) Timmissanik timmisunik piniarnermi flu-flu qarsut atorneqassapput.

§ 17. Timmissanik assigiinngitsunik nalunaarummi matuma pineqartunik akiliuteqarluni aallaaniartarnermut piunasaqaatit, sunngiffimmi piniarnermut allagartamut piunasaqaatit assigivaat, tak. § 7, imm. 4, § 8, imm. 4 aamma § 9, imm. 2. Timmissat akiliuteqarluni aallaaniarnermi pisarineqartut taamaallaat nammineq atugassaapput.

Imm. 2. Akiliuteqarluni piniartitsinermik aqqissuisut pisarineqartut pissatarineqartut ilanngullugit Aalisarnermut Piniarnermut Nunalerinermullu Naalakkersuisoqarfimmut nalunaarutigisassavaat.

Imm. 3. Akiliuteqarluni piniartitsinermik aqqissuisut imm. 2-mi taaneqartutut nalunaarusiornissaasa saniatigut akiliuteqarluni piniarnermi timmissat pisarineqartut pillugit ukiumoortumik Aalisarnermut, Piniarnermut Nunalerinermullu Naalakkersuisoqarfimmut nalunaaruteqartassapput. Nalunaaruteqarneq nammineerluni www.sullissivik.gl aqputigalugu imaluunniit piniarnermut nalunaarsuiffik Piniarneq aqputigalugu saqqummersitap immersorneratigut nassiunneratigullu pisinnaavoq.

Timmissanik manninnillu tuniniaaneq

§ 18. Inuussutissarsiutigalugu piniarnermut allagartallit kisimik timmissanik pisarineqartunik tuniniaaqusaapput taamaallaallu nammineq aqutsiveqarfittut angerlarsimaffigisaminni, tak. ilanngussaq 2, suliarineqanngitsunik, erisakkanik saleriikkanilluunniit atuisumut tuniniaaqusaallutik.

Imm. 2. Timmissat qassusersornermi ningittagarsornermilu pisarisuukkat tuniniaaqusaanngillat.

Imm. 3. Timmissanik appanik, appanik sigguttuunik, miternik siorartuunik miternillu siorakitsunik tuniniaaneq aqutsiveqarfimmi pineqartumi piniarnissamut piffissap aalajangersarneqartup § 7, imm. 2-mi aamma § 8, imm. 2-mi, taaneqartup iluani taamaallaat pisassaaqtaamaallaallu tuniniaavinni uumasut nakorsaqaafiannit akuerineqartuni pisassalluni, matumani Kalaalimineerniarfiit ilanngullugit. Timmissat killilersugaanngitsut allat eqqarsaatigalugit aqutsiveqarfimmi pineqartumi timmissat pineqartut piffissami piniagaaffianni tamani tuniniaaqusaapput, tak. § 10.

Imm. 4. Inuussutissarsiutigalugu piniarnermut allagartallit kisimik aqutsiveqarfimmi najugaqarfigisami ooqanngitsunik suliarineqanngitsunillu naajat manniinik atuisunut tuniniaaqusaapput.

Imm. 5. Timmissat pisarineqartut Aalisarnermut, Piniarnermut Nunalerinermullu Naalakkersuisimit akuersissummik pissarsisimannikkaanni, inuussutissarsiornermik siunertalimmik tunisassiarineqaaqusaanngillat, suliarineqaaqusaanatik qeritinneqaaqusaanatilluunniit.

Imm. 6. Najukkami timmiaqatigiit illersorniarlugit imm. 5 malillugu akuersissummi piffissamut aamma sumiiffimmut tunisinermilu pisassiissutinut piunasaqaatinik aalajangersaasoqarsinnaavoq. Akuersissummi aammattaaq tunisinermi piunasaqaatinik aalajangersaasoqarsinnaavoq, tamanna najukkami timmiaqatigiit illersorneqarnissaannut sunniuteqaqataasinnaappat.

Nalunaaqtsersuutit, nalunaaquttat nassitsissutillu timmissani nassaarineqartut

§ 19. Nalunaaqtsersuutit, nalunaaquttat, radiukkut aamma qaammataasakkoortumik nassitsissutit

sumi qangalu timmissap pisarineqarsimaneranut nassaarineqarsimaneranulluunniit paasissutissartallit uunga nassiunneqartassapput: Pinngortitaleriffik, Postbox 570, 3900 Nuuk.

Najukkami aqutsineq

§ 20. Piniarneq pillugu Siunnersuisoqatigiinnik kattuffinnillu allanik suliamut attuumassutilinnik tusarniaareernerup kingornatigut Aalisarnermut Piniarnermut Nunalerinermullu Naalackersuisoq nunap ilaani sumiiffinni killilikkami tamarmiusumik imaluunniit ilaannakuusumik, sumiiffinnut ingerlatsiviusunut, uumasorsiuut pingaarnertut siunnersuinerannut piumasaqaatinullu aalajangersakkanut malinnittunut, ingerlatsinermik tunniussisinnaavoq.

Imm. 2. Tamatumani piumasaqaatit Aalisarnermut Piniarnermut Nunalerinermullu Naalackersuisup aamma najukkami kommunit oqartussaasuisa akornanni allaganngorlugit kommunimi ileqqoreqqusaq aqutugalugu isumaqatigiissutigineqartassapput.

Imm. 3. Kommunini ileqqoreqqusaq Aalisarnermut, Piniarnermut Nunalerinermullu Naalackersuisoqarfimmit akuersissutigineqassaaq.

Aallaaniarneq, piniarneq mannissartarnerlu pillugit nalunaaruteqartarneq

§ 21. Timmissat pisarineqartut, taakkununga timmissat aalisarnermi pisarisuukkatut pisat ilanngullugit, ukiumoortumik Aalisarnermut, Piniarnermut Nunalerinermullu Naalackersuisoqarfimmut nalunaarutigineqartassapput. Nalunaaruteqarneq nammineerluni www.sullissivik.gl aqutugalugu imaluunniit piniakkanut nalunaarsuisarfik Piniarneq aqutugalugu immersugassaq immersorlugu nassiunneratigut pisinnaavoq.

Imm. 2. Manniit katersukkat pillugit nalunaaruteqarneq Aalisarnermut, Piniarnermut Nunalerinermullu Naalackersuisoqarfimmut ukiumoortumik pisassaaq, nammineerluni www.sullissivik.gl aqutugalugu imaluunniit piniakkanut nalunaarsuisarfik Piniarneq aqutugalugu immersugassaq immersorlugu nassiunneratigut pisinnaavoq.

Timmissanik taakkunangalu nioqputissianik il.il. nioqquteqarneq annissinerlu

§ 22. Timmissanik eqqissisimatitaalluinnartunik uumasunik toqungasunilluunniit kiisalu timmissanik immikkanik taakkualu ilaannik taakkunangalu nioqputissianik tamanut saqqummiussilluni tuniniaanissaq, tunisinissaq pisinissarlu inerteqquataavoq.

§ 23. Timmissat eqqissisimatitat uumaannartut toqungasulluunniit, taakkunangalu ilanngullugit

timmissat immikkat, taakkualu ilamerngi taakkunangaluunniit nioqputissiat Kalaallit Nunaanniit anniseqqusaanngillat imaluunniit Kalaallit Nunaannut eqquteqqusaanngillat.

Imm. 2. Timmissanik eqqissisimatitaasunik taakkualu ilaannik nioqputissianillu nuunnermi pequtinik nassiussinermi annisisoqassappat Aalisarnermut Piniarnermut Nunalerinermullu Naalackersuisoqarfiup akuersissuteqaqqaarsimanissaa piumasaqaataavoq.

Imm. 3. Timmissanik nujuartanik uumaannartunik toqungasunillu taakkualu ilaannik, taakkuninngalu nioqputissianik ilisimatusarnermi imaluunniit ilinniartitsinermi siunertanut atorneqartussanik annisisoqassappat Aalisarnermut, Piniarnermut Nunalerinermullu Naalackersuisoqarfiup akuersissuteqaqqaarsimanissaa piumasaqaataavoq.

Imm. 4. Timmissat eqqissisimatitaasut toqungasut nassaat taakkualu ilaat, pinngortitamut maangaanaq qimanneqanngippata, ingerlaannartumik Pinngortitaleriffimmut imaluunniit piniarnermik aalisarnermillu nakkutilliisunut tunniunneqartassapput.

Timmiaateqarnek, timmissanik iperaaneq nalunaaqutsersuinerlu

§ 24. Timmissanik assigiinngitsunik nujuartanik uumasuteqarnissaq Kalaallit Nunaanni inerteqqutaavoq.

Imm. 2. Timmissat eqqissisimatitat ikillit Aalisarnermut Piniarnermut Nunalerinermullu Naalackersuisoqarfimmut nalunaarutigineqartassapput.

§ 25. Timmissanik Kalaallit Nunaannut eqqunneqartunik taakkulu piaraannik pinngortitamut iperaaneq inerteqqutaavoq.

§ 26. Timmissanik nujuartanik nalunaaqutsersuisoqassappat, ilisimatusaatigalugu timmissanik nujuartanik pisaqartoqassappat imaluunniit timmissanit nujuartanit misissugassanik taakkualu manniinik katersisoqassappat Aalisarnermut, Piniarnermut Nunalerinermullu Naalackersuisoqarfiup akuersissuteqaqqaarsimanissaa piumasaqaataavoq.

Imm. 2. Allakkatigut qinnuteqartoqarnerani siunertaq, sumiiffik, piffissaq atorneqartussaq, angallatigineqartoq periuserineqartussarlu erseqqissaatigineqartassapput, taakkununngalu angallatip normua imaluunniit GR-normu atorneqartoq ilanngunneqartassapput.

Imm. 3. Misissuiartornerup kingorna angusarineqartut pillugit Aalisarnermut, Piniarnermut Nunalerinermullu Naalackersuisoqarfimmut apnn@nanoq.gl-imut allakkatigut nalunaarusiamik tunniussisoqartassaaq.

§ 27. Nalunaarummi matumani aalajangersakkanit Aalisarnermut, Piniarnermut Nunalerinermullu Naalackersuisoqarfik uumasunut nakorsaqaqarnermut tunngasunik, ilisimatusarnermik atuartitsinermillu siunertanut, imaluunniit Kalaallit Nunaata piniagassatigut pisuussutaasa nalunaarsorneqaqarnerannut atatillugu kiisalu attaveqaqatigiinnermut pissutsinut aamma timmisartukkut angallannerup isumannaatsuunissaata qulakkeernissaanut immikkut akuersissuteqarsinnaavoq.

Nakkutilliineq

§ 28. Kinaluunniit politiit imaluunniit piniarnermik aalisarnermillu nakkutilliisut piunasaqaqarnerisigut piniarnermut allagartaq atuuttoq aqputigalugu piniaqqusaatitaanerminut uppersaammik, immikkut akuersissummik Aalisarnermut, Piniarnermut Nunalerinermullu Naalackersuisoqarfimmeersumik imaluunniit immikkut akuersissummik naalackersuisoqarfimmiit allameersumik takutitsissaaq.

Kommunimi ileqqoreqqusat

§ 29. Timmissat illersorneqarnissaannut tunngatillugu kommunip ileqqoreqqusaa aqputigalugu kommunalbestyrelsi killilersuinissamik aalajangersaasinnaavoq.

Imm. 2. Kommunini ileqqoreqqusat, tak. imm. 1, Aalisarnermut, Piniarnermut Nunalerinermullu Naalackersuisumit akuersissutigineqartassapput, www.naalackersuisut.gl-ilu aqputigalugu nalunaarutigineqartassallutik.

Pineqaatissiisutit

§ 30. Nalunaarummi matumani §§ 2-3-mik, §§ 6-12-mik, § 13, imm. 1-mik, § 14, imm. 1-mik, §§ 15-19-mik, §§ 22-23-mik, § 24, imm. 1-mik aamma 2-mik, aamma §§ 25-26-mik unioqqutsitsisoqarpat Kalaallit Nunaannut Pinerluttulerinermik Inatsit malillugu akiliisitsisoqarsinnaavoq arsaarinnittoqarsinnaallunilu.

Imm. 2. Nalunaarut manna malillugu kommunit ileqqoreqqusaannik unioqqutsitsisoqarsimappat Kalaallit Nunaannut Pinerluttulerinermik Inatsit malillugu akiliisitsisoqarsinnaavoq pisarineqartunillu arsaarinnittoqarsinnaalluni.

Imm. 3. Nalunaarut manna malillugu nalunaarutinut allatulluunniit malitassanut aalajangersarneqartut akileeqqusissummik aalajangersaanissamik tunngavissaqartitsippata, akileeqqusissut Kalaallit Nunaannut Pinerluttulerinermik inatsimmi malittarisassat malillugit inatsisitigut inuttut pisinnaatitaaffeqartoq akileeqqusissummik pisussaaffilerneqarsinnaavoq.

Imm. 4. Pisarineqartut ilaannik arsaarinnissutigineqartut atornissaat Aalisarnermut, Piniarnermut Nunalerinermullu Naalackersuisumit aalajangerneqartassaaq.

Imm. 5. Akiliisitsinernit isertitarineqartut nunatta karsiata pissarai.

Atuutilersitsinermut aamma ikaarsaariartitsinermut aalajangersakkat

§ 31. Nalunaarut manna atuutilerpoq ulloq 1. november 2019.

Imm. 2. Peqatigitillugu Timmissanik illersuineq piniarnerlu pillugit Namminersorlutik Oqartussat nalunaarutaat nr. 1, 5. januar 2017-imeersoq atorunnaarpoq.

Imm. 3. Timmissanik illersuineq piniarnerlu pillugit Namminersorlutik Oqartussat nalunaarutaat nr. 1, 5. januar 2017-imeersoq malillugu kommunimi ileqqoreqqusat kommunimi ileqqoreqqusat allat atuutilernissaasa tungaannut atuutissapput.

Namminersorlutik Oqartussat, ulloq 28. oktober 2019

Jens Immanuelson

/

Jørgen Isak Olsen